



Broj: 09/3-45-1-13557-3/23

Datum: 07. 12. 2023. godine

Na osnovu člana 69. stav (2) tačka d) i člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22), Pravilnika o javnim nabavkama Grada Visoko ("Službeni glasnik Grada Visoko", broj: 02/22), otvorenog postupka javne nabavke za pružanje usluga izrade Regulacionog plana „Dubrave” – Visoko – ponovljeni postupak pokrenutog Odlukom broj: 09/3-45-1-13557/23 od 30.10.2023.god. i objavljenog na Portalu javnih nabavki Obavještenjem o nabavci broj: 870-1-2-120-3-128/23 od 30.10.2023.god., donosim:

ODLUKU **o poništenju postupka javne nabavke**

I

Komisija je konstatovala da je ponuda ponuđača URBIS CENTAR d.o.o. Banja Luka neprihvatljiva i nepravilna, zbog čega je odbačena.

II

Poništava se postupak javne nabavke.

III

Odluka stupa na snagu danom donošenja.

Obrazloženje

Grad Visoko je pokrenuo otvoreni postupak javne nabavke za pružanje usluga izrade Regulacionog plana „Dubrave” – Visoko – ponovljeni postupak Odlukom o pokretanju postupka broj: 09/3-45-1-13557/23 od 30.10.2023.god. Postupak je objavljen na portalu javnih nabavki Obavještenjem o nabavci broj: 870-1-2-120-3-128/23 od 30.10.2023.god. i u Službenom glasniku BiH broj: 76. od 03.11.2023.god.

U skladu sa članom 13. Zakona o javnim nabavkama BiH („Službeni glasnik BiH” broj: 39/14 i 59/22) i Pravilnikom o uspostavljanju komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 09/3-45-1-13557-1/23 od 30.10.2023.god., u sastavu:

- | | |
|------------------------------|--------------------------------------|
| 1. Adna Smajić, predsjednica | 1. Seid Burić, zamjenik predsjednice |
| 2. Suad Efendira, član | 2. Emir Bukurević, zamjenik člana |
| 3. Nermina Ridić, član | 3. Aida Omanović, zamjenik člana |
| 4. Zilha Sirćo, sekretar | 4. Abas Avdagić, zamjenik sekretara |

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da je ponuđač koji je dostavio ponudu preuzeo TD.

U roku za dostavljanje ponuda 22.11.2023.godine do 12:00 sati dostavljena je ponuda ponuđača:

1. URBIS CENTAR d.o.o. Banja Luka

Dana 22.11.2023.godine u 12:15 sati Komisija je pristupila otvaranju pristigle ponude.

Predsjednica Komisije je pročitala cijenu ponude i to:

Red. br.	Ponudač	Ukupna cijena KM bez PDV-a	Popust (KM bez PDV-a)
1.	URBIS CENTAR d.o.o. Banja Luka	15.000,00	nema

Kada je riječ o dostavljanju kopije zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama ("Službeni glasnik BiH", broj: 39/14 i 59/22).

Komisija je pristupila pregledu i ocjeni ponude, te konstatovala sljedeće:

Ponuda ponuđača **URBIS CENTAR d.o.o. Banja Luka** je neprihvatljiva i nepravilna.

Tačkom 12.2. tenderske dokumentacije kao dokazi za zaposlene diplomirane inženjere traženi su: Ovjerena kopija diplome, ovjerena kopija uvjerenja o položenom stručnom ispitu i uvjerenje/potvrda o osiguranju izdata od strane Poreske uprave/Porezne uprave ili uvjerenje/potvrda MIO-PIO izdato na ime diplomiranog inženjera.

Ponuđač je dostavio Uvjerenje (spisak zaposlenih radnika) broj: 06/01.02/0801-455.15-114085/2023 od 18.10.2023.god. koje ugovorni organ nije tražio jer je ponuđač bio obavezan dostaviti potvrde/uvjerenja o osiguranju izdate od strane Poreske uprave/Porezne uprave ili uvjerenje/potvrda MIO-PIO izdate na ime diplomiranih inženjera. Iz dostavljenog uvjerenja se ne može utvrditi dužina trajanja radnog staža diplomiranih inženjera, jer uvjerenje ne sadrži sve podatke o osiguranju koje sadrži uvjerenje koje se izdaje pojedinačno tj. na ime, kako je traženo tenderskom dokumentacijom.

Pored navedenog uvjerenja, ponuđač je za svakog diplomiranog inženjera dostavio izjave-potvrde o radnom stažu/iskustvu koje su izdate od strane ponuđača, a koje se ne mogu prihvatiti kao dokaz jer su tenderskom dokumentacijom tražene potvrde/uvjerenja Poreske uprave/Porezne uprave ili MIO-PIO.

U skladu sa navedenim, odbacuje se ponuda ponuđača URBIS CENTAR d.o.o. Banja Luka.

U skladu sa navedenim i članom 69. stav (2) tačka d) Komisija je predložila Ugovornom organu poništenje postupka javne nabavke.

U skladu sa navedenim odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđač ima pravo da izjavi žalbu u roku od deset dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u tri primjerka.

Dostavljeno:

1. URBIS CENTAR d.o.o. Banja Luka,
2. Evidencija,
3. a/a.-

